

續修甯陽縣志序

今

天子繼統之四年不佞承乏甯陽屢更寒燠矣所幸年穀順成閭閻靖謐余既喜茲邑士民風俗之醇而士民亦安余之拙日者有鄉士大夫若而人造庭合詞而言曰縣之有志所以存文獻詳沿革昭法戒也甯邑舊志初修於康熙再三修於乾隆迨咸豐初邑侯清苑陳公復延請里居紳儒黃石琴中丞糾集同志博稽旁諏增修爲二十四卷彰彰乎明備已會遭庚申之變板存縣署並甯陽縣志

燬於火迄今閱三十年故牘漸湮新事莫紀每一議及悼心失圖今將修廢舉墜繫惟明府是賴敢以爲請余維庚申而後固甯陽由否而泰之一會也城破而復完民散而重聚其間青犢東奔環闔呼噪者凡數至官若民屢以固守卻之而三鄉聯團築堡家自爲衛俾無所掠而他遁則堅壁清野之效可觀也至若毅夫烈婦或臨敵捐生或罵賊殉節均已渥叨

甯陽縣志

卷之一序

一

旌卹鉅豆千秋

殊恩曠典跨越百代扶持世教規摹閱遠尤不可不亟登於

冊間有寒微仄陋奇節未彰更不可任其湮沒况此三十年間豈無先生長者碩德卓行昔尙存而今已故實既至而名當顯者乎縣志之修又烏可緩哉是余責也用是允鄉士大夫之請仍謀諸石琴中丞以桑梓文獻所關慨然許爲秉筆而同事諸君子相與分司纂錄共底於成凡四閱月而脫藁將付手民爰以詹言弁諸簡端後之覽者或亦有取焉爾

欽加同知銜 賞戴花翎知甯陽縣事加七級紀錄十次翼城高陞榮譔

甯陽縣志

卷之一序

二

三修原序

甯邑無高山大川足供騷人逸士之遊覽汶水雖繞北境僅與他邑界巖巖之岱宗又若遠若近矣而其士民又多敦厚樸魯凡夫智謀側儻畸異之士樹奇勛垂偉績者不少概見至於疆域城池建置賦役等事前邑令劉君誌之後李君又誌之李志未見距今僅四十餘年則今日志乘之作疑若可稍緩者雖然非常之事轟烈天壤易以傳世行遠若擇地而蹈敦倫飭紀不求表暴而實足以維風善俗其事其人無可炫人耳目不急為揚厲甯陽縣志

卷之一 原序

五

而闡明之閱數傳湮矣東魯為至聖挺秀之地甯即孟氏之成邑先賢高子所莅治也流風遺澤迄今未絕士人類皆潔身自好不樂與官吏交其小民亦土物是愛鮮華靡巧利之習又值

聖朝累洽重熙數十年來士之修身砥行足為矜式與夫閭里之孝子悌弟義夫節婦所在多有此豈非有心世道者所當急求者哉况夫眾務之沿革月異而歲不同科第聯翩較往時而愈盛亦不可聽其遺逸也余不佞承乏茲土以樸實為治毋敢沽名釣異四載於茲時和年

賜進士出身甯陽縣知縣吳興李夢雷撰

豐余既喜其風俗之淳而吏民亦安余之拙簿書餘暇爰取舊志而校讎之缺者補繁者芟壬午以後其芳徽懿行可以振頽風者搜羅罔使或沒外此宏綱細目隨時損益悉補訂詳明適邑中紳士某某樂道人善廣為考輯相與襄厥成功不踰歲而告竣焉於其付之梓也爰弁數言以見是書之成兼以為廉頑立懦計非徒博物洽聞識甯陽典故已也時乾隆八年孟秋之吉

甯陽縣志

卷之一 原序

六

按李公此序有前令劉君志之李君又志之二語是劉志之後先有一李志無疑但序文內不載李君之名查所開凡例第一條云甯陽志邑人相傳有舊志新志舊志散佚無存僅獲新志一編乃康熙四十四年邑令新安李公重加修輯云云按李公名温泉其在任正當康熙四十年前後若四十年癸未上距劉公修志時十一年壬子中間南閱三十年編纂可謂勤矣但劉公舊志至今尚存者而四十年之李志轉無從尋覓不知乾隆八年修志時何以轉云舊志散佚無存或當時偶失訪求邪又彼時既未見劉志而所開凡例諸條與劉志宛出一手不同者寥寥數語耳或康熙四十一年之李志全襲劉志舊文而此次修志不知其所由來歟

前志原序

志地之書權輿於禹貢職方標準於兩漢之地理郡國志至唐括地志而大備顧未有專志一邑之地者邑之有志蓋肇自唐以後至今傳者有宋高似孫剡錄常棠澉水志此外概不多見歷元迄明於是邑各有志不惟志其地并志其事與人又於其間為表為傳蓋幾幾乎具國史之體而微矣甯陽舊志明以前無可考元縣尹韓珪曾著歷代沿革記其時固未嘗有志也萬歷初知縣李貞始就邑人進士王正容稿本訂正授梓是為縣甯陽縣志

卷之一 原序

七

朝文治昌隆憲章明備康熙壬子

待詔天下郡邑各修志乘以儲外史之藏時則前令劉君興漢蒐羅於煨燼之餘摺摭於散亡之後悉心哀錄始復成書迨乾隆癸亥又經前令李君夢雷重修一次文省事增規撫略具自時厥後迄今又閱一百餘年人事遞遷日新月異遺文故牒漸就蕪沒歷任諸君子大都有志重修逡巡未果不佞於道光丙午承乏是邑檢閱劉李

二志微嫌闕略且新事可錄者實繁每與周星巖劉蓬山兩孝廉謀為採訪編次會黃石琴中丞乞養東歸語次慨然以纂修為己任於是鳩集邑中碩士宿儒徵文考獻博諮羣詎自疆域星野山川建置秩祀田賦學校選舉諸大端以及宦績人物靡不釐分門目討論故實補舊志之缺遺拓新事之厓略大抵根柢乎歷代正史及

卷之一 原序


八

甯陽縣志
國朝官書參以碑版文字故老傳聞爬羅剔抉務歸詳審經始於道光三十年正月蕺事於咸豐元年五月凡歷五百餘日而成書析為二十四卷將付剞劂乃以僂言弁諸簡端夫志乘之修詎惟是騁奇驚博侈耳目之觀哉蓋將以溯古今之沿革政教之得失風俗之滄澗人才之盛衰而因以見我

國家重熙累洽二百年來深恩厚澤如此其優且渥也甯山百里間在昔沐周公之化近孔子之居彬彬郁郁儒風茂美二漢以降一碎於南北之割裂再糜於金元之摧殘子遺孱黎不絕如縷明雖漸復故疆而中葉政煩賦重井里索然田賦舊額可覆按也我

三修姓氏	編輯	甯陽縣知縣	考定	儒學教諭	纂稿	己酉科舉人	壬子科舉人	甯陽縣志	校閱	戊午科舉人	乙卯科拔貢	優貢	廩監生候選州吏目	採輯	生員	監生
		李夢雷		秦恕		石興鳳	劉應薦	卷之一 姓氏		周祚顯	甯鰲	甯裕煌	周祚長		朱璣	苑修忻
				劉深				圭					周宗仁			

增廣生員	監生	生員	承書	甯陽縣志	校閱	戊午科舉人	乙卯科拔貢	優貢	廩監生候選州吏目	採輯	生員	監生
吳方昇	周衍宗	苑嵐	王瑞生	卷之一 姓氏		周祚顯	甯鰲	甯裕煌	周祚長		朱璣	苑修忻
			張俊公	去					周宗仁			



甯陽縣志

祥麟圖
說見山川表賦
詩并見藝文

卷之一 圖

五



甯陽縣志


蟠龍玉河圖
說詳山川
詩見藝文

卷之一 圖

五



雲山煙雨圖
說見山川
詩見藝文



甯陽縣志

卷之一 圖

三

諸圖終

前志凡例 計二十條

一 是編於劉李二志原文實已芟除殆盡間有節取舊說者於劉志則曰前志於李志則曰舊志

一 舊志有情節舛誤必應糾正者均細注各條下其字句小節逐加更改不復注明

一 舊志於古今制度及人物宦績遺漏甚多今就所及見者悉為補入不復一一詳注其汎官錄藩封表之類全門俱係補出者則分注各條下

一 縣志雖一邑之書而卽小可以見大其間有關典制

甯陽縣志 卷之一 凡例

三

古今異宜者統核歷代史冊詳加考定至一切地名官名人名悉據實直書用資傳信

一 志疆域應以

皇朝版圖為準歷代沿革附之秩官亦同此例

一 縣志為紀地之書故沿革之考特詳但地志諸書往往牽引附會聚訟莫決今彙核古先成說參以山川形勢務取其鑿然可據者方敢著之於冊至古書偶有舛誤必為詳悉辨明雖以前漢書水經注路史文獻通考之鴻編亦不敢雷同附和

一劉志於秩官選舉皆立表但編年未得其法故眉目殊不明晰李志失於糾正乃盡變體裁概以計簿之例書之殊未妥善今以秩官及歷代秩官薦辟科目仍依前志例分列各表而標識年分於眉端庶便覽閱其進士之某榜某甲及名次若干均按太學題名碑一一補注併增入疆域沿革藩封孟氏世系前明監司諸表其未便立表者為錄以別之

一山川並關形勝而河道通塞繫於民生尤切前二志略而弗詳今通為查明源委臚舉於冊庶留心地方

甯陽縣志 卷之一 凡例 一

者一覽可悉

一汶水隄工累經修築乃地方利弊之大者前二志雖立闢堰一門而殊未詳悉今將新舊各案悉為登載

並論著其得失之由

一舊志田賦失於鈎稽臚列新舊各款牽混尤甚今悉按現行則例改正畫一

一前二志學校一門美無故實今詳加考證庶後生鑒

古察今有所觀感

一劉志宦績傳分系各表之後本於史例未合李志移

併職官志中遂致志傳不分今依省府各志例補立宦績專門列諸人物傳前

一舊志記載鄉賢無多而區分十門內如風節師範義士各門均歷史所未見且婦女統歸人物並不另立專門尤乖體例今列歷代名臣於前餘分良吏循吏

晉宋書文學依歷史文苑文藝篤行依歷史獨行卓行孝友晉書孝友歷史孝義依歷史一行依新五代史其舊列風節各門概行

移併惟歷史文武向不同傳而耆舊錄與先賢傳同例故武功耆德二門并沿其舊至隱逸方技劉志以

為皆沽名者所為概置不錄李志因之但士各有志人各有能此二傳必不可少故依史例增入其婦女則另立列女專門以示區別

甯陽縣志 卷之一 凡例 二

一人物傳歷代名臣用史家列傳例良吏以下用彙傳例祖孫父子兄弟同入志者用合傳例其雖係一家而志行各別者用自有傳例所就有大小者用附傳

例或父附子傳或子附父傳祖孫同例子孫雖不應入傳而能世其家者子生監以上用牽連得書例其兩傳交涉者用互

文見義例

孫舉貢以上

一史傳論贊並列始自范蔚宗後漢書史記有論無贊故小司馬作索隱更爲述贊以補之今縣志雖小亦一邑之史也故於人物各傳均系以有韻之贊不惟歌詠休烈亦以綜括生平其別有新義非贊能明者更爲論以發之

一舊志於人物不著年代藝文不分門目遂致先後失序紊亂無章今人物以年代爲先後並著里居藝文以體製爲區分至誦詩讀書尤貴知人論世故藝文中併著其人之年代爵里以備參考

甯陽縣志

卷之一 凡例

三

一李志於劉志所採藝文強半刪汰而續增者甚屬寥寥且其文多無足錄今合兩志藝文詳加甄核無論此採彼刪彼闕此增但有關本色制度沿革宦績名勝如果其文可取悉爲編入儻文無足取卽行芟除其有二志并遺見於省志府志及諸家文集者一併補錄甯邑數百年間作者不乏而地僻艱於授梓多致散佚深爲可惜今廣爲搜羅約略登載庶幾文豹之一斑

一劉志不載墓碑意謂子孫之稱揚祖父未必盡實也

乃獨取王筠之碑以爲重孝此殊未然如果碑不足據則筠之孝行安知非孫傳諛墓之文是自亂其例也甯邑一隅之地其事蹟獲登國史者蓋亦無幾非金石之文後世從何徵信今於各門頗採碑碣未敢拘泥前例

一版宇分割代有不同要以今縣境至爲準有前代賢豪當時系籍他縣而實隸今縣境內者一併登載仍於各條下注明

一是編竭年餘之力旁搜博採悉心纂錄較諸前二志

甯陽縣志

卷之一 凡例

三

似爲該洽但見聞有限恐疏漏仍所未免糾謬補遺是所望於後之大雅君子

續修凡例六

一 此次修志以咸豐初重修之志為藍本仍舊者十之七增新者十之三雖中隔三十年而總纂出於一手應以舊志為前志新志為續志

一 續志體例多因前志而有酌改者前志誤而今志改正者也沿革考各條之類有酌補者前志佚而今志補入者也官師人物有酌刪者前志錄存而今志刪除者也明田賦此皆咸豐以前之事與人也其咸豐以後之事與人則前志未及而今增者均於各條下標明以

甯陽縣志

卷之一 凡例

三

便檢閱

一 關廟舊列祠宇今奉部議列入中祀三公封王增定樂舞直與文廟無異雖廟制未備而曠典亟應表章以俟他日之遵奉是以別立武廟專門列置文廟之次

一 續志門目悉沿前志而團練村堡軍功三門則舊無而今有以及築堡禦寇記錄入藝文修城厯案詳列建置忠義一門前志人數無多今志實繁有徒良以軍興以來有關地方之安危人心之鼓勵者惟此數

大端是以特書於冊說詳後跋及各條內

一 前志人物各分門目閱今三十年續應入志者正不乏人其增立各傳自應分別列於各門目之次標明續增以清界限內有祖父已列前志子孫復入續志者仍彙入續增各傳中但於傳首標明祖父已列前志以彰世美

一 藝文多仍前志間取有關本縣政治風土人物而其詩文雅有體裁者約選增入惟前志所載生祠及去思碑之類乃前明俗例文亦多涉應酬不足資考證

甯陽縣志

卷之一 凡例

三

今彙行刪除仍附書於官師表各令長之下其碑刻尚在者并存其目於金石門中

凡例終

續志總目

卷一

疆域 疆域表 歷代沿革表 歷代沿革考

卷二

星野 山川 泉 溝

卷三

官師 秩官表一 秩官表二 汎官錄

歷代秩官表一 歷代秩官表二

卷四

甯陽縣志

卷之一 總目

罕

藩封 歷代藩封表 孟氏世系表

監司 守道表 分司表

卷五

建置 城池 衙署典式 館舍 儲備橋梁 振郵園亭 廢署

隄堰 汎防 馬政

續增 村堡 團練

卷六

里社市集 附 社倉 社學 物產 風俗

秩祀 壇廟 祠宇

卷七

田賦 戶口 田畝 起解 存留雜稅 鹽法

卷八

學校 廟制 位次 祭典 諸圖 諸祀

文廟考 禮器考 樂器考 舞器考 祭器考 學制

武廟 新增

卷九

選舉 薦辟表 科目表 三等貢錄 五等貢錄

文職錄 武職錄 封贈錄 廩敘錄

甯陽縣志

卷之一 總目

罕

軍功錄 續增

卷十

古蹟 金石 寺觀 坊表 塋墓 灾祥

卷十一

官績傳

卷十二

人物 列傳

卷十三

良吏傳 文學傳 武功傳 忠義傳 孝義 附

卷十四

篤行傳

卷十五

孝友傳 耆德傳 一行傳 方技傳 隱逸傳

卷十六

列女傳 賢淑 節婦 烈婦 貞女 烈女 孝女 續增 殉難婦女

卷十七

藝文一

御製詩八首

甯陽縣志

卷之一 總目

望

藝文二 奏牘三首

卷十八

藝文三 記上二十七首

卷十九

藝文四 記下十六首 序十一首

卷二十

藝文五 傳十六首 論三首 議一首 說三首

辨三首

卷二十一

藝文六 銘一首 贊六首 頌二首 箴二首

書二首 祭文二首 碑文六首

墓表二首 跋四首 駢體四首

卷二十二

藝文七 賦九首

卷二十三

藝文八 五言古詩四十一首

七言古詩二十六首

卷二十四

甯陽縣志

卷之一 總目

望

藝文九 五言律詩五十八首

七言律詩九十八首 五言絕句十首

七言絕句五十五首 五言排律五首

藝文十 詩餘四首 續增

總目終

甯陽縣志卷一

疆域

疆域表

在府治北五十里東六十里至泗水縣
 界至縣治九十里南二十里至滋陽縣
 界至縣治五十里西四十里至汶上縣
 界至縣治六十里北五十里至泰安府
 之泰安縣界至縣治一百一十里東南
 二十里至滋陽縣界東北七十里至泰
 安縣界西北三十五里至泰安縣界西
 南一十五里至滋陽縣界東西廣一百
 二十里南北袤七十里東北至布政司
 治二百七十里北至京一千二百里

甯陽縣
 屬兗州府

編戶三十
 五里

甯陽縣志

卷之一 疆域

一

謹按縣名上一字與

宣宗成皇帝聖諱下一字相同先經欽奉嘉慶二十五年

聖諭中間避寫一畫一撇不從心字用昭敬慎道光三十年正

月二十七日

皇上御極之初

勅部臣詳議敬避

大行聖諱之典經禮部擬以安定靜康四字恭代

聖諱下一字奉

旨允准嗣經大學士耆英另議具奏欽奉

上諭前據禮部遵議

皇考大行皇帝聖諱下一字擬以安定靜康四字敬避今據大

學士耆英奏稱天下省郡州縣名印以下一字誌徵祥

者甚眾四海臣民藉獲嘉休似可仍遵嘉慶二十五年

欽奉

諭旨中間避寫一畫一撇與

高宗純皇帝聖諱下一字避從止字之命意相合等語著照所

請所有宮殿廟宇舊名及各省地方官名均著勿庸改

易凡奏章文移援引宮殿地名遇下一字仍遵

甯陽縣志

卷之一 疆域

二

聖諭中間避寫一畫一撇不從心字勿庸以安定靜康四字代

寫非此概不准用仍應敬避欽此旋經浙江學政禮部

右侍郎吳鍾駿奏稱府廳州縣名仍請以安定靜康四

字恭代各省現用印信遇有

聖諱下一字者篆文中間仍從心字應酌易換鑄等語奉

旨交部敬謹議奏復經禮部奏稱宮殿地名應遵

前旨奉行勿庸另議至關防印信篆文自應避寫湖查道光

元年送部改鑄者已有四百餘顆恐尚有未經改鑄者

飭令查明一體送部換鑄等因奉

旨依議欽此洪惟我

皇上攬秩宗之詳議

納端揆之陳謨法

祖執中推

恩錫類界嘉名之仍舊彰

景祚之維新戴

聲靈於

陟降下及偏隅均

福佑於垓埏不遺小邑自茲環闈有謚市境無塵藉獲嘉休永

甯陽縣志

卷之一 疆域

三

永靡極已

前志縣名上一字從一書一撤
續志通作甯按字典甯與寧同

甯陽縣志	卷之一 疆域	三
------	--------	---

墟之啤少	去	甯陽縣志	卷之一 疆域	四
域之州徐	夏殷	歷代沿革表	沿革表	
遂鑄邑魯俱謹池曲成闈	東周			
	郡薛屬			
鉅國平東屬	後漢			
屬平剛改剛郡山泰屬平鉅省陽甯	魏晉			
屬原平置僑又鹽無入併地故陽甯	南北朝			
省併縣諸平鉅郡魯屬邱冀	隋			
州兗屬邱冀	唐			
州兗屬邱冀	五代			
府慶襲屬冀	宋			
州兗屬陽甯	金			
分氏刺吉洪勛元為路甯濟屬陽甯	元			
府州兗屬陽甯	明			

得自漢以來分屬充徐至隋以後乃專屬徐乎貴與通博鉅儒撰述必有所據但以地形考之實亦未可盡信且貴與既以春秋之齊國南境屬充魯國屬徐則岱南縣邑之舊為魯地者仍當屬徐不屬充也通考又以任城龔邱為充

州界 尤誤

魯邑 甯陽在汶水之南地鄰曲阜全境皆魯甸也但春秋以前邑名未著故以魯邑統之皇輿表甯陽周青州地

附錄

甯陽縣志

卷之一 疆域沿革考

七

謝 羅泌路史云宣王支子是為謝侯盟會圖云

謝城堯之龔邱與姜任二謝異謝侯封壤不見經傳長源嗜古博洽

必有所據 又史記正義故謝城在龔邱縣東七

十里齊歸魯龜陰之田以謝魯魯築城於此以旌

孔子之功因名謝城說與路史異 按風俗通義

姓氏篇周宣王支子食采謝邱因為氏太平寰

宇記乾封縣謝過城有汶陽田齊以此歸魯謝過

故有城存合二書參之舊說是寰宇記所云即史

記正義之故謝城路史所云即風俗通之謝邱莫

定其是二是一也良以既非通都大邑又代遠年

湮是以傳聞異辭 紀載亦錯出耳

東周

闡公羊作儼 水從汶出口闡爾雅作澗即洸水魯以水

名邑也亦曰剛父郡志剛縣春秋謂之剛父似本春秋入邾杜注及續漢志成縣劉注

劉注亦本杜說元凱所云當是晉縣何以晉書有剛

平而無剛父水經注說文繫傳引杜注俱作剛縣不

日剛父 續漢志剛縣注引 漢於此置剛縣班書地

杜注闡在剛縣北有闡鄉 理志注剛故闡應劭曰春秋取謹及闡今闡亭是也

故城在今縣東北三十五里詳見後文併古蹟

成 故杞田左傳昭七年晉人來治杞田季孫將以

成與之是也不知何時入於魯界在北鄙春秋襄十

六年齊侯伐我北鄙圍成是也又為孟氏采地公斂

處父所謂成孟氏之保障是也漢廢入鉅平縣故城

甯陽縣志 卷之一 疆域沿革考 八

在今縣東北九十里猶有北鄙村詳見後鉅平條下及藝文成邨辨

曲池公羊作毆蛇 魯邑春秋桓十二年公會杞侯莒子

盟于曲池杜預云地在魯國汶陽縣北預晉人所云魯國汶陽縣

者乃晉與圖實 此地當在成之西闡之東汶水之南

沿漢舊他倣此 漢於此置汶陽縣故城在今縣東北五十里汶水上

詳見後文併 藝文汶陽說 謹 魯邑春秋桓三年齊侯送姜氏于謹路史云或

云謹兜國杜預云濟北虵邱西有下謹亭說文作鄩

路史又云鄩一作謹在鉅平水經虵水經下謹城南

卽謹水也今龔邱文獻通考龔邱注云隋縣有謹水則謹乃虵水別名猶闡之以水名邑也

鑄 國名武王封堯後於此左傳臧宣叔娶于鑄漢

於此置虵邱縣路史云鑄故侯爵堯之龔邱治故虵

邱有鑄鄉 廣記云龔邱春秋遂鑄二國地

遂 國名春秋莊十三年齊人滅遂路史云虞後商

人置之遂京相璠云在虵邱東北十里字書作隧今

充之龔邱有虵邱城西北十里有隧鄉漢隧縣

辨誤

甯陽縣志

卷之一

疆域沿革考

九

後漢郡國志虵邱有遂鄉有下謹亭有鑄鄉城舊志以

今縣爲漢虵邱縣境故謹鑄遂並列於冊與路史亦合

但考漢虵邱縣地大抵錯出於今甯陽泰安肥城三縣

之間卽隋以後之龔邱疆域亦不甚相遠下謹城水經

注云俗謂之夏暉城泰安縣志以爲卽今夏暉村鑄鄉

城在今肥城縣南杜預云卽漢虵邱縣治遂國故城水

經注云在虵邱西北 史記魯莊公獻遂邑以平是遂國後爲魯邑其地在今泰安境顧亭

林以爲故城在今甯陽北按今甯泰二邑間不聞有此故城均不隸今縣境內詳見

戰國

剛 春秋哀八年齊人取謹及闡冬十有二月齊人

歸謹及闡是闡入於齊旋歸於魯其何時復入於齊

更名曰剛莫可考已赧王四十六年秦使客卿竈伐

齊取剛剛之名始見於此至是遂爲秦取

成 仍魯邑威烈王十八年齊田和伐魯取成蓋自

是始入於齊 按闡剛成曲池皆魯邑在今甯陽之

東北境其謹鑄遂各邑則在今甯陽之西北境但古

者建邦啟土區天下爲國區國爲邑地方百里爲千

乘之國方十里爲百乘之家孟獻子食采於成而孟

甯陽縣志

卷之一

疆域沿革考

十

子以爲百乘之家卽獻子亦自云百乘之家是成之

大不過十里也成爲巖邑福小若是餘可類推雖鑄

遂舊爲建國而蕞爾微區今已大半割隸泰安肥城

其犬牙相入於縣境者所餘無幾計數邑尙未足當

今縣之半但其他邑無可考耳卽如左傳襄十六年

齊圍成孟孺子連微之齊師退速遂塞海陘而還又

哀十五年仲孫雍伐成不克遂城輸一則塞之以衛

成一則城之以逼成是海陘與輸距成密邇其俱在

今縣境內無疑但無從指定其地之何在春秋之末

至於戰國剛入於齊後入於秦迨魯頃公二十四年為楚所滅則餘地併入於楚矣

秦

屬薛郡縣名無考

前漢

甯陽 甯山名高帝於山南置縣故曰甯陽屬泰山

郡後封魯共王子節侯恬於此為侯國

辨誤

元韓珪甯陽歷代沿革記見藝文西漢高后以兗州為魯

甯陽縣志

卷之一 疆域沿革考

十一

郡改置泰山郡東漢立任城國易為東平國甯陽屢割

屬焉又曰桃鄉光武破龐萌於桃聚是也云云桃鄉在兗州境內後漢書劉永傳注桃鄉故城在今兗州冀邱縣西北故韓記誤以為今甯陽此大誤也按

前漢諸侯王表孝惠七年初置魯國高后元年七月封

魯元公主子張偃為王地理志魯國注云故秦薛郡高后元年為魯國屬豫州迨

張偃失王後景帝遷淮陽王餘為魯王是為魯共王魯

乃國也非郡也且屬豫不屬兗也泰山郡置自高帝見

地理志屬兗州不聞置自高后更非以魯郡改置也文獻通考

注高后更秦薛縣為魯郡及泰山郡與地理志俱不合且

誤以薛郡為薛縣魯國為魯郡殊不足據元時此書始

出故珪踵其說也東平故梁國景帝分為濟東國宣帝改為東

平國後漢因之章帝元和元年始分東平為任城國是

東平置自前漢任城置自後漢分東平為任城非易任

城為東平也甯陽本屬泰山郡後割隸東平國未嘗屬

任城也玉海漢中興郡國篇東平改屬壽張須昌甯陽之三邑而分三邑為任城桃鄉前漢

侯國後漢廢入任城故續漢志云任城本任國有桃聚

注云光武破龐萌於桃鄉是桃鄉自入任城甯陽自屬

東平正自兩不相涉也

鉅平 故魯成邑以上二縣並高帝置屬泰山郡說

甯陽縣志

卷之一 疆域沿革考

十一

前

辨誤

舊志云故鉅平城在故成城南此大誤也杜預云成在

鉅平縣東南何得云鉅平在成南乎考今縣東北七十

里太平村有舊城基周數里三角尚存此故鉅平城也

不知何時變鉅稱太按宋有進士姜潛奉符縣太平鎮人近得元至大元年義勇武安王

廟碑教授史謚撰文云泰安州治南三舍而近有鎮曰

太平乃漢鉅平之故墟並列敘巡檢張君蘭君劉君粘

合公末系尾云太平鎮巡檢尹政立石則是宋元以來

已變鉅平而稱太平並置鎮立巡檢司其地久入泰安

至明始罷巡檢汶水從東北來水經注所云汶水又南逕

檢改隸縣境